

王氏增補醫學正傳卷之六目錄

便濁遺精門

論

脈法

丹溪方法

治便濁丸藥方

二陳加升提藥方

珍珠粉丸

半苓丸

虛癆便濁方

氣血兩虛方

燥濕痰白濁方

妙香散

秘真丸

革蘚分清散

治濁固本丸



九龍丹

水陸二仙丹

定志粉丸

丹溪活套

秘真丹

淋閉門

論

脉法

丹溪方法

參苓琥珀湯

琥珀散

傷寒後脫陽方

老人氣虛淋閉方

小便黃澁方

下焦無血小便澁方

通關丸

清肺飲子

道氣除燥湯

腎疸湯

小蘗湯

八正散

牛膝膏

茯苓湯

倒換散

葵子散

葵子湯

鐵服丸

鷄酥飲子

小便不通方

小便淋瀝方

石韋散

小便溺血方

沙淋莖痛方

孕婦轉胞方

血淋方

附關格証

難經法語

關格方

經驗秘方

秘結門

論

脉法

丹溪方法

脾約丸

通幽湯

潤燥湯

潤腸丸

麻黃白朮湯

升陽瀉熱湯

活血丸

潤腸湯

潤體丸

大黃丸

枳殼丸

枳實道滯丸

黃疸門

論

脈法

丹溪方法

黃疸方

氣實黃疸方

小溫中丸

大溫中丸

調胃承氣湯

治疸法語

又法語

大黃栢梔芒硝湯

硝石礬石散

治酒疸方

茯苓湯

穀疸方

胃苓湯

腎疸湯

茵陳五苓散

茵陳茯苓湯

梔子大黃湯

半溫熱湯

茵陳蒿湯

茵陳大黃湯

梔子栢皮湯

茯苓滲濕湯

小茵陳湯

四逆湯

葶藶苦參湯

王氏增補醫學正傳
卷之六目錄
四
當歸白朮湯

抵當湯

針砂丸

綠礬丸

棗礬丸

褪金丸

瘡瘍門

論

脈法

丹溪方法

取刺骨方

升陽散

歸羌湯

柝榔散

托裏散

背疽方

附骨疽法

羌活防已湯

托裏黃芪湯

黃芪酒煎湯

黃連消毒散

黃芪柴胡湯

臀癰方

內托羌活湯

內疽法

肺癰法

又肺癰法

黃昏湯

瀉肺湯

葦葉湯

桔梗湯

肺癰又治方

腸癰方法

肚膿血如肺癰方

腸癰方法

腸癰法語

腸癰方

腸癰灸法

薏苡附子敗醬散

大黃牡丹湯

乳梗方

乳癰方

又方法

升麻托裏湯

程石香治妳岩法

十六味流氣飲

單煮青皮湯

橘葉散

丁香散

囊癰方法

野紫蘇方

治便毒方

又治方

便毒成膿方

便毒方法

蘇方木散

玉燭散

牡蠣大黃湯

丹溪治療癰方法

治馬刀瘡方

程氏論治療癰方法

蟾酥膏

綠雲膏

金寶膏

龍珠膏

化堅湯

柴胡連翹湯

消腫湯

通經湯

消腫散堅湯

升陽調經湯

連翹潰堅湯

龍泉散

三聖丸

大聖散

玉屑妙靈散

六丁神散

破結散

南星散

治癰方法

龍珠膏

流氣飲

丹溪治瘦氣方法

又法結核方法

又治臂核方

耳後頂門有核方法

程石香疔腫方法

返魂丹

拔疔法

奪命丹

雄黃丸

化毒丸

獨蟾丸

雄射丸湯

二活散

取疔散

解毒丸

賀藍先生解毒丸

萬病解毒丸

漏蘆湯

取疔腫方

破毒散

灸疔腫法

秘方

活鬼丹

治諸惡瘡三方

天泡瘡方

脚上沙瘡方

裡外賺瘡方

桃花散

火燒湯泡瘡方

又治方

下疳瘡方

頭瘡方

金絲瘡方

手疔瘡方

沙瘡方

瘡漏不可忍方

疥瘡方

白癩風癬方

風瘡疙瘡方

癬瘡方

通身虛癢方

一擦光方

疥瘡癩頭方

五香連翹湯

內托復煎方散

白芷升麻湯

托裡散二方

烏金散

黃芪六一湯

一切瘡癩方

護心散

小五香湯

復元通氣散

金銀白芷散

正鐵箍散

大鐵箍散

三消散

雲母膏

大乙膏

神異膏

青雲膏

癰腫方

稀蒼散

諸般癰腫神効方

癩風門

論

脈法

方溪方法

換肌散

醉仙散

通天再造散

愈風丹

一家法癩疾法

又一家治法

手指攣曲法

加減通聖散

神仙紫花丸

跌撲傷損方

治骨損方

接骨丹

損傷宜補氣血論

治金瘡二方

損傷腹痛方

三民地...
當歸道滯湯

鷄鳴散

沒藥乳香散

杖丹膏藥方

河間沒藥散

破傷風門

論

脈法

丹溪方法

羌活防風湯

白朮防風湯

小芎黃湯

大芎黃湯

發表雄黃湯

大蜈蚣散

大羌活湯

防風湯

小蜈蚣散

左龍丸

小羌活湯

養血當歸地黃湯

雄黃散

地榆防風散

白朮湯

江鰮丸

秘方

附翻花瘡

便濁遺精

論

內經曰諸轉反戾水液渾濁皆屬于熱夫便濁之證因脾胃之濕熱下流滲入膀胱故使便溲或白或赤而渾濁不清也原病式曰如夏月天氣熱甚則水液渾濁林木流津是也血虛而熱甚者則爲赤濁此心與小腸主病屬火故也氣虛而熱微者則爲白濁肺與大腸主病屬金故也丹溪曰大率多是濕痰流注宜燥中宮之濕又曰治宜燥濕降火兼升舉之法此

便濁遺精

論

內經曰諸轉反戾水液渾濁皆屬于熱夫便濁之證因脾胃之濕熱下流滲入膀胱故使便溲或白或赤而渾濁不清也原病式曰如夏月天氣熱甚則水液渾濁林木流津是也血虛而熱甚者則爲赤濁此心與小腸主病屬火故也氣虛而熱微者則爲白濁肺與大腸主病屬金故也丹溪曰大率多是濕痰流注宜燥中宮之濕又曰治宜燥濕降火兼升舉之法此

皆至要之語也外有遺精滑泄之候與濁相類不可一例而推夫遺精者多夢與鬼交而泄名曰夢遺或隨洩溺而出謂之精滑亦有思想無窮所願不遂而得之者治宜安心神以降火又有因好色大過房勞致虛而得之者治法宜滋水臟以復真陰是皆千古不易之定論也學者詳之

脉法

兩尺脉洪數必便濁失精

女人尺脉濇而弱者或洪數而促者皆主爲白帶

便濁

心脉短小因心虛所致必遺精白濁

方法

丹溪曰便濁屬濕熱有痰有虛赤屬血由小腸屬火故也

白屬氣由大腸屬金故也

大率多是濕痰流注宜燥中宮之濕赤者乃是濕傷血

胃中濁氣下流滲入膀胱

肥白人多痰治宜燥濕降火兼升提之大法二陳湯加二朮升柴赤者加白芍藥煎服

一人便濁嘗有半年或時夢遺形瘦作心虛主治以珍珠粉丸和定志丸服効 見怔忡門

夢遺主熱精滑主濕熱熱則流通故也

內傷氣血虛不能固守當補以八物湯加減吞樗

木根丸

大法用青黛海石黃栢

精滑用知母黃栢降火牡蠣蛤粉燥濕白濁同法

治之

一方用良姜三錢芍藥黃栢炒各二錢樗根白皮

一兩五錢為末糊丸每服三十丸

思想而得病在心治當安心神以帶補一法用溫

膽湯去竹茹加人參遠志蓮肉酸棗仁茯神煎

服之

一方治便濁丸藥

樗白皮

黃栢炒

青黛

乾姜炒

滑石

蛤粉炒各等分

神麴糊為丸服之

戴氏曰黃栢治濕熱青黛解熱蛤粉賦寒入腎
滑石利竅炒乾姜味苦斂肺氣下降使陰血
生且能監制

二陳湯 治濁加升提之藥使大便潤而小便長

珍珠粉丸 治精滑白濁等證

黃栢

真蛤粉 各一斤

珍珠

二兩二方無此味而有青黛

右為末水和丸如梧桐子大每空心服一百丸
溫酒送下或加檮根白皮滑石青黛等藥

半苓丸 治白濁

神麴

半夏 燥濕

猪苓

分水等分

麴糊為丸服

虛勞者用補陰藥胃弱者兼用人參及升麻柴胡
升胃中之清氣

張子元氣血兩虛有痰便濁陰火痛風

人參 一兩

白朮 五錢

熟地黃

黃栢 炒黑色 二兩

山藥

海石

瑣陽 各五錢

乾姜 五錢 燒存性

南星

一兩煨裂

龜板 酥炙 二兩

右為細末酒麪糊為丸如梧桐子大每服一百

丸姜鹽湯下

燥濕痰治白濁方如肝脉弦者須以青黛瀉肝大

槩不可純涼藥 盧氏曰病因濕熱藥的矣然

亦不可專用寒涼藥故用炒栢之類又以乾姜

之溫而佐之也

妙香散 治心虛遺精白濁

麝香 一錢 另研

人參 五分

木香 二錢 五分

茯苓

茯神

黃芪

遠志 去心炒 各一兩

桔梗

甘草 各五錢

辰砂 二錢 另研

山藥 二兩 姜汁炙

右為細末每服二錢不拘時溫酒調下

秘真丸 治思想無窮所愿不遂意淫于外入房大

甚宗筋弛縱發為筋痿及為白淫及白物隨洩

而下或夢與陰人通泄耳

白龍骨 一兩 另研

訶子皮 大者 五枚

確砂仁 五錢 去殼

硃砂 一兩 另研 一分為衣

右爲細末麪糊爲丸如菘豆大每服一九空心
溫酒下冷水亦可不可多服大秘或用芎白茶
湯下

草薺分清飲 治真元不足下焦虛寒小便白濁頻

數無度漩面如油光彩不定漩脚澄下凝結如膏

糊之狀

石菖蒲

烏藥

益智仁

川草薺

白茯苓

甘草稍

每服水一盞半入鹽一錢煎空心服

治濁固本丸

蓮花鬚

黃連

白茯苓

砂仁

益智

半夏

黃栢

甘草

猪苓

爲末蒸餅爲丸空心溫酒下五十九

九龍丹 治精滑

枸杞子

金櫻子

山果子

蓮肉

佛坐鬚

熟地黃

芡實

白茯苓

川歸

右爲末酒麪糊爲丸如梧桐子大每服五十九
或酒或鹽湯送下如精滑便濁者服二三日溺
清如水飲食倍常行步輕捷婦人厭產者二三
服便住孕如仍欲產服通利之藥

水陸二仙丹 治遺精白濁夢泄脫精等証

金櫻子 一斗 芡實 二斤

右以芡實去殼杵爲細末取金櫻子黃熟者用
籃盛于水中杵去刺又于石臼中杵碎去核淨
再杵細絞取自然汁煎熬成飴糖和芡實末爲

丸如梧桐子大每服五七十九空心時姜鹽湯
送下

定志珍珠粉丸 治心虛夢泄

人參 白茯苓 各三兩 遠志 去心

石菖蒲 各二兩 海蛤粉 黃栢 炒焦色 各三兩

檮根皮 二兩 青黛 二兩

右爲細末麪糊爲丸青黛爲衣如梧桐子大每
服五十九空心姜鹽湯下

丹溪活套云赤白濁乃胃中痰積下流滲入膀胱宜

用二陳湯加升麻柴胡防風之類以提之肥白人
 屬濕熱加蒼朮白朮黃柏黃荊子之類或有挾寒
 者本方加炒乾姜肉桂甚者加附子 有心虛不
 能固守及平素虛寒之人本方加草薢石菖蒲益
 智炒乾姜牡蠣龍骨之類 氣虛者本方加黃芪
 白朮人參或加附子之類 赤者多有血虛瘦弱
 之人得之宜四物湯加酒知母酒炒黃柏煎湯送
 下珍珠粉丸 赤白濁小腹疼痛不可忍者宜作
 寒治東垣酒煮當歸丸最妙 方見婦人門

祖傳經驗秘真丹 治好色腎虛遺精夢泄白淫白

濁等証

兔絲子 酒浸炒

韭子 炒

栢子仁 各一兩

龍骨 煨

牡蠣 煨醋

山茱萸 去核取皮

赤石脂 各五錢煨

補骨脂 一兩炒

遠志 去心

巴戟 去心

覆盆子

枸杞子

黃柏 鹽酒炒 黑色

山藥 各七錢五分

芡實 去殼

杜仲 姜汁炒 斷各一兩

金櫻子 半青黃去刺核 取肉焙乾二兩

乾姜 炒黑色 一兩

鹿角膠 一兩五錢 炒成珠

右爲細末煉蜜爲丸如梧桐子大每服一百丸
空心姜盞湯下

淋閉門

論

內經曰飲食入胃游溢精氣上輸於脾脾氣散精上
歸于肺通調水道下輸膀胱夫膀胱者主足大陽寒
水之化其體有下口而無上口者也長生在申是故
西方肺金以爲之母而資其化也肺金清肅則水道
通條而滲管于下耳然肺金又籍脾土健旺以資化

源而清氣得以上升而歸于肺以運行也故經又曰
清陽出上竅濁陰出下竅故清陽不升則濁陰不降
而成淋閉之患矣先哲以滴水之器譬之上竅閉則
下竅不出此理甚明故東垣使灸百會穴丹溪使吐
以提其氣之橫格是皆開大竅之法也原其爲病之
由皆膏粱之味濕熱之物或燒酒炙肉之類鬱遏成
痰以致脾土受害乏力不能運化精微清濁相混故
使肺金無助而水道不清漸成淋閉之候或謂用心
大過房勞無節以致心腎不交水火無制清陽不升

濁陰不降而成天地不交之否皆先哲之法言也古
方有五淋之別氣砂血膏勞是也若夫氣淋爲病小
便澁滯常有餘瀝不盡砂淋爲病陰莖中有砂石而
痛溺不得卒出砂出痛止膏淋爲病溺濁如膏勞淋
爲病遇房勞卽發痛引氣衝血淋爲痛遇熱則發甚
則溺血候其鼻準色黃者知其爲小便難也東垣分
在氣在血而治之以渴與不渴而辨之耳如渴而小
便不利者熱在上焦氣分肺金主之宜用滲滲之藥
茯苓澤瀉琥珀燈心通草車前子瞿麥篇蓄之類以
清肺金之氣瀉其火以滋水之上源也不渴而小便
不利者熱在下焦血分腎與膀胱主之宜用氣味俱
陰之藥知母黃柏之類滋腎丸是也除其熱泄其閉
塞以滋膀胱腎水之下元也治淋之法無越于此學
者不可不知

脉法

脉經曰少陰脉數婦人則陰中生瘡男子則爲氣淋
脉細而數 脉盛大而實者生虛細而澁者死
方法

丹溪曰淋雖有五皆屬於熱宜解熱利小便山梔子
之類不可發汗汗之必便血

老人氣虛淋閉參朮中帶梔子木通之屬

有腎虛極而淋者當補腎精而利小便不可獨用

利水藥

有死血作淋者用牛膝膏 一云牛膝膏能損胃

不食宜斟酌用之

一方治淋用益元散加梔子木通或用梔子一合
炒爲末白湯調下夏月以茵香煎湯調益元散

服効

痰熱隔滯中焦淋澁不通二陳湯煎大碗頓服探
吐之以提其氣

淋澁有血因火燥下焦無血氣不得降而滲泄之
令不行也宜補陰降火以四物湯加知母黃柏
或用四物湯煎下滋腎丸

陰莖痛乃厥陰氣滯兼熱用甘草稍蓋欲緩其氣
耳

小便因熱鬱成淋不通用赤茯苓黃芩澤瀉車前

子麥門冬肉桂滑石木通甘草稍氣虛者加黃
芪木香淋痛加黃柏生地黃夏月煎調益元散
麥苓琥珀湯 治小便淋澀莖中痛相引脇下痛不
可忍者可忍者

人參

茯苓

各五分

川練子

去核

生甘草稍

玄胡索

各七分

琥珀

柴胡

川歸尾

澤瀉

各三分

每服水一盞半加燈心十數莖煎至一盞服

琥珀散

治五種淋澀疼痛小便有濃血出証

琥珀

沒藥

海金砂

蒲黃

各一兩

右為細末每服三錢空心煎萱草湯調下

傷寒後脫陽小便不通用生姜自然搗汁調茴香

末敷貼小肚上又服益智茴香丸調益元散下

老人氣虛而小便不通四物湯加黃芪人參吞滋

腎丸下焦血氣乾者死

小便黃用黃柏如澀數加澤瀉若濕熱流注下焦

而小便黃赤澀數用梔子澤瀉切當濕多者宜

用滑石利之

下焦無血小便澀數而黃者用四物湯加黃栢知母牛膝甘草稍

通關丸

即滋腎丸

治不渴而小便閉熱在下焦血分

黃栢

酒洗焙乾

知母

酒洗焙乾各一兩

肉桂

五分

右為細末熟水丸如梧桐子大每服一百丸空心白湯下服後須頓兩足令藥易下行也如小便已利莖中如刀刺痛當有惡物下為驗

清肺飲子

治渴而小便閉澀不利邪熱在上焦氣

分証

燈心

一分

通草

二分

澤瀉

瞿麥

琥珀

各五分

篇蓄

木通

各七分

車前子

炒另研

茯苓

去皮

猪苓

各一錢去皮

每服水一盞半煎空心稍熱服

導氣除燥湯

治小便閉塞不通乃血澀致氣不運而竅澀也

而竅澀也

茯苓

去皮

滑石

各一錢

知母

去毛酒浸炒

澤瀉 各一錢五分

黃柏 二錢酒炒

每服水二盞煎空心稍熱服

腎疸湯 治腎疸目黃甚至渾身黃小便赤

羌活

防風

藁本

獨活

柴胡 各五分

升麻 一錢已上治目黃渾

身黃

白茯苓 二分

澤瀉 三分

猪苓 四分

白朮 五分

蒼朮 一錢已上治小便赤

黃柏 二分

人參 三分

葛根 五分

神麴 六分

甘草 五分

每服水二盞煎食前稍熱服

小薊湯 治下焦熱結血淋

生地黄

小薊根

通草

滑石

梔子仁

蒲黃 炒

淡竹葉

當歸稍

生藕節

甘草稍 各五分

白水煎空心服

八正散 治大小便俱閉

大黃

瞿麥

木通

滑石
篇蓄
車前子

梔子仁
甘草 各等分

每服五錢入燈心七莖水煎服

牛膝膏用川牛膝一合細切以新汲水五大盞煎耗

其四入麝香少許空心服或單以酒煮亦可

茯苓湯 治胃疸陽明積熱食已輒饑面色黃瘦胸

滿脇脹小便閉澀

赤茯苓 陳皮 去白 澤瀉

桑白皮 各二分 赤芍藥 白朮

人參 官桂 各二分 石膏 八分

病甚者加大黃朴硝各一錢

每服加生姜五片水一盞半煎溫服

倒換散 治不論久新癰閉大小便不通小腹急痛

肛門腫痛

大黃 小便不通減半 荆芥穗 大便不通減半各等分

右各別研為細末每服二錢溫水調下臨時加

減服

葵子散 治小便不通

黃蜀葵子

研細

赤茯苓

各二錢

右一服水一盞煎二三沸食前服

濟生葵子散 治膀胱實熱小便不通

方見痢氣門

琥珀散 治五淋

滑石 二錢

木通

當歸

木香

蔚金

藜蘆 各一錢

琥珀 五分研

右作一服為末用蘆葦葉同煎水一盞半煎數

沸食前溫服

鐵服丸 治大小便不通神効

大皂角 燒存性

右一珠不拘多少煉蜜為丸如梧桐子大每服

七十丸白湯下

廣濟鷄蘇飲子 治小便不通

鷄蘇 一握

生地黄

通草 各四兩

滑石

杏仁 去皮尖各二兩

冬葵子 一兩五錢

石葦 炙去毛一兩

右七味細切以水六升煎至二升半分三服空

心進一服如人行四五里又進一服必通
又方治小便不通

冬葵子

滑石 各三兩

通草

赤茯苓

各一兩

茅根

二兩五錢

芒硝

一兩五錢

右以水六升煎取二升去粗納芒硝分作三分

連進即通

集驗方 治小便淋瀝不通

滑石

半斤

石葦

三兩

通草

四兩

榆莢

冬葵子

各一升

一方加黃芩 二兩

以水一斗煎取三升分作三服頓飲

石葦散 治小便不利莖中作痛

石葦

去毛二兩

瞿麥

一兩

滑石

五兩

車前子

三兩

冬葵子

二兩

右為細末每服方寸七日三服

祖傳經驗秘方 治小便淋閉莖中作痛神効

石葦

去毛

滑石

瞿麥

篇蓄

冬葵子

木通

王不留行

地膚草

各等分

右為細末每服三錢白湯調下

又經驗治小便溺血立効

金陵草 一名旱蓮草 一名墨斗草

車前草 俗名蝦 墓衣

右二物各等分用杵自然汁每于空腹時服半

茶盞

又方治前証用壯年無病人頭髮不拘多少燒灰存性以側栢葉搗汁入糯米糊為丸如梧桐子大每服一百丸白湯下或四物湯下尤妙

又方治沙淋乃莖中有砂作痛

石首魚腦骨 五對火煨出火毒 卽白鯊腦中骨也 滑石 五錢

共研為細末分作二服煎水通湯調下未愈再服數劑必待沙出盡乃安

又方治孕婦轉胞小便不通及男子小便不通皆

効

冬葵子 五錢 山梔子 五錢 木通 三錢

滑石 五錢 研

每服水一盞半煎八分溫服 外以冬葵子滑

石梔子爲末田螺肉搗膏或生芎汁調膏貼臍
中立通

又方治血淋

側柏葉

藕節

車前子

各等分

右三味同搗取真汁調益元散神効

附關格証

難經曰關則不得小便格則吐逆 脉兩寸俱盛曰
關格其証嘔逆而小便不通者是也

按素問謂人迎大四倍于氣口名曰格氣口大

四倍于人迎名曰關乃二証也蓋有格而不關
者亦有關而不格者又或有人迎氣口俱盛而
吐逆不便者故丹溪總而言之曰關格者是也
丹溪曰寒在上而熱在下故多死法當吐以提其氣
之橫格不必在出痰也用二陳湯探而吐之吐中
便有降

有氣虛不運者補氣藥中升降用補中益氣湯加
枳榔使清氣升而濁氣降也

治關格証吐逆而小便不利急宜先灸氣海天樞

五印增補醫學正傳 卷之六
等穴各三七壯其吐必止然後以益元散等藥以利小便

祖傳經驗秘方 治關格吐逆小便不通用藿香平

胃散合五苓散加姜棗煎服立効

又一方治小便不通單用地膚草搗自然汁服之遂通

秘結

論

內經曰北方黑色入通于腎開竅于二陰藏精于腎

夫腎主五液故腎實則津液足而大便滋潤腎虛則津液竭而大便結燥原其所由皆房勞過度飲食失節或恣飲酒漿過食辛熱飲食之火起于脾胃淫慾之火起于命門以致火盛水虧津液不生故傳道失常漸成結燥之証是故有風燥有熱燥有陽結有陰結有氣滯結有年高血少津液枯涸或因有所脫血津液暴竭種種不同固難一例而推焉經云腎惡燥急食辛以潤之以苦泄之陽結者散之陰結者溫之大法治燥者潤之以大黃當歸桃仁麻子仁郁李仁

之類風燥者加以防風羌活秦艽皂莢之類爲丸以煉蜜取其潤燥以助傳道之勢故結散而踈通矣仍多服補血生津之劑助其真陰固其根本庶無再結之患切勿以巴豆牽牛等峻劑攻下雖暫得通快必致再結愈甚反釀成病根腸固卒難調治或有血虛脉大如芤管發熱而大便結燥者慎不可發汗汗之則重亡津液閉結而死此醫殺之耳活人書有脾約証謂胃強脾弱約束津液不得四布但輸膀胱故小便數而大便難制脾約丸以下脾之結燥使腸潤結

化津流入胃而愈丹溪曰然旣曰脾約必陰血枯槁內火燔灼熱傷元氣故肺受火邪而津竭必竊母氣以自救夫金耗則土受木傷脾失轉輸肺失傳化宜其大便閉而難小便數而無藏蓄也理宜滋養陰血使陽火不熾金行清化脾土健旺津液入胃大小腸潤而通矣今以此丸用之於熱甚而氣實與西北人稟賦壯實者無有不安若用之于東南方人與熱雖盛而氣血不實者雖得暫通將見脾愈弱而腸愈燥矣須知在西北以開結爲上在東南以潤燥爲要學

者其可不知此乎

脉法

脉多沉伏而結 陽結脉沉實而數 陰結脉伏而遲或結老人虛人便結脉雀啄者不治

方法

丹溪曰有虛有風有濕有火有津液不足者有寒者有氣結者切不可例用芒硝大黃及巴豆牽牛等利藥

久病腹中有實熱大便不通宜用潤腸丸微利之

不宜用峻利之劑

脾約丸

麻仁 一兩半用生絹袋盛百沸湯連袋炮浸湯令碗中與水面差一指許次日曬乾礮之

粒粒皆完

枳實

麩炒黃色

厚朴

姜製

芍藥

各三兩

大黃

酒蒸

杏仁

去皮尖炒另研一兩二錢

右為末煉蜜為丸如梧桐子大每服三十九溫

水下

通幽湯 治大便難幽門不通上衝吸門不開噎塞

不便燥閉氣不得下治在幽門以辛潤之

炙甘草 紅花各一分 生地黄

熟地黄各五分 升麻 桃仁泥

當歸身各一錢

每服水一盞半煎去粗調栝榔細末五分食前

稍熱服

潤燥湯

升麻二分 生地黄二分 熟地黄

當歸稍 大黃酒濕 生甘草

桃仁泥 麻仁各一錢 紅花五分

右除桃仁麻仁另研細外餘細切作一服水一

盞半入桃仁麻仁煎至一盞去粗空心稍熱服

潤腸丸 治脾胃中伏火大便閉澀或乾燥閉塞不

通全不思食及風結血閉皆能治之

桃仁湯泡去皮畧炒 麻仁去殼各一兩 當歸稍

大黃酒浸煨 羌活各五錢

右除桃仁麻仁另研如泥外其餘杵為極細末

煉蜜為丸如梧桐子大每服三五丸空心白

湯下 如風濕而大便不行加煨皂角仁大黃

秦艽以利之 如脉溢覺身有氣溢而大便結者加郁李仁大黃以除氣溢燥

麻黃白朮湯 治大便不通五日一次小便黃赤渾

身腫面上及腹尤甚其色黃麻木身重如山沉困無力四肢痿軟不能舉動喘促不安

青皮 去穢

酒黃連 各二分

黃芪

人參

桂枝

白朮

厚朴 姜製

柴胡

蒼朮

猪苓 各四分

酒黃柏

陳皮 去白

甘草 半炙 半生

升麻 各三分

吳茱萸 去核

白茯苓

澤瀉 各五分

白豆蔻

炒神麴 各六分

麻黃 一錢 不去節

杏仁 四箇

分作二服每服水二盞先煎麻黃令沸掠去沫入諸藥同煎至一盞去粗稍熱服

升麻瀉熱湯 治膈噎不通逆氣裏急大便不行

青皮

槐子 各二分

生地黃

熱地黃

黃柏 各三分

當歸身

甘草稍 各四分

蒼朮 五分

升麻 七分

黃芪 一錢

桃仁 十箇去皮
尖另研

每服入桃仁泥水二盞煎至一盞食前熱服

活血潤燥丸 治大便風秘血秘常常燥結

當歸稍 五錢

防風 三錢

大黃 酒煨

羌活 各一兩

皂角仁 燒存性一兩五錢

桃仁 二兩去皮另研

麻仁 二兩半去殼另研

右除桃仁麻仁另研外共為細末煉蜜為丸如

梧桐子每服五十丸白湯下三兩服後須以

子仁煮粥每日早晚食之大便須日久再

燥也此丸藥以磁礬盛之紙包封毋令見風

潤腸湯 治大便結燥不通

生地黄

生甘草 各三分

大黃 煨

熟地黄

當歸稍 各五分

升麻

桃仁

麻子仁 各一錢

紅花 三分

每服水二盞煎去粗空心服

潤體丸 能潤血燥治大便不通

麻仁

當歸稍

生地黄

桃仁

枳殼 各等分

右爲細末煉蜜爲丸服

備急大黃丸 治胃中停滯寒涼之物大便不通腹

中痛 方見內傷門

河間枳殼丸治三焦約大小便不通穀氣不得下行

枳殼 二兩

陳皮 一兩

檳榔 五錢

木香 二錢五分

黑丑 四兩一半生用一半炒熟杵頭末一兩半餘不用

右爲細末煉蜜爲丸如梧桐子大每服十二丸

姜湯下

黃疸丸治傷熱物大便塞氣滯胸腹痛方見內傷門

黃疸

論

內經曰中央黃色入通于脾又曰諸濕腫滿皆屬脾

土夫黃疸爲病肌肉必虛腫而色黃蓋濕熱鬱積于

脾胃之中久而不散故其土色形于面與肌膚也蓋

脾主肌肉肺主皮毛母能令子虛母病子亦病矣是

故有諸中者必形諸外耳其証有五曰黃汗曰黃疸

曰酒疸曰穀疸曰女勞疸雖有五者之分終無寒熱

之異丹溪曰不必分五種同是濕熱如盃麴相似正

經所謂知其要者一言而終是也外有傷寒熱病陽明內實當下而不得下當汗而不得汗當分利而不得分利故使濕熱怫鬱內甚皆能令人發黃病也先哲制茵陳五苓散茵陳湯茯苓滲濕湯之類無不應手獲効故曰治濕不利小便非其治也又曰濕在上宜發汗濕在下宜利小便或二法同用使上下分消其濕則病無有不安者也學者詳之

脉法

脉經曰凡黃候寸口脉近掌無脉口鼻黑色並不可

治者

脉沉渴欲飲水小便不利者必發黃也

酒疸者或無熱靖言了了腹滿欲吐鼻燥其脉浮者先吐之沉弦者先下之

酒疸下之久久為黑疸目青面黑心頭如噉蒜菲之狀大便正黑皮膚四肢不仁其脉浮弱顏黑微黃故知難治

穀疸寸口脉微而弱微則惡寒弱則發熱當發不發骨節疼痛當煩不煩而黃汗出濕傷脉緩而

遲胃氣反強飽則煩滿滿則發熱客熱消穀食已則饑穀強肌瘦名曰穀疸

陽明病脈遲者食難用飽飽則發寒熱頭眩者必小便難此欲作穀疸雖下之腹滿如故

跌傷脈緊而數數則為熱熱則消穀緊則為寒食則滿也

尺脈浮為傷腎跌陽脈緊為傷脾風寒相搏食已則眩穀氣不消胃中苦濁濁氣下流小便不通陰被其寒熱流膀胱身體盡黃名曰穀疸

方法

丹溪曰不必分五同是濕熱如蠶麴相似輕者小溫中丸重者大溫中丸熱多者加黃連濕多者茵陳五苓散加食積藥 戴氏曰食積者量其虛實下之其餘但利小便小便清利則黃自退或曰黃疸宜用倒倉法又曰黃疸倦怠脾胃不和食少胃苓湯小便赤加滑石

一方治黃疸

黃芩

黃連

梔子

茵陳

猪苓

澤瀉

蒼朮

青皮

草龍膽

各五分

穀疸加三稜莪朮硝砂陳皮神麴

作一服水煎服之

又方治氣實傷濕渾身發黃疸宜吐去法

撫芎

梔子

桔梗

各二錢

每服加姜煎入韭汁服探吐之

小温中丸

治黃疸與食積又可制肝燥脾虛脾虛

者須以白朮作湯傳下

針砂

十兩醋炒七次冷通紅另研

苦參

夏加冬減

山查

各二兩

吳茱萸

一兩冬加夏減

蒼朮

半斤

白朮

五兩

川芎

夏減

神麴

各半斤

香附米

一斤童便浸一宿

右為細末醋糊為丸如梧桐子大每服七八十

丸食前鹽湯下

一方無白朮山查苦參吳茱

萸有梔子

大温中丸

針砂

十兩如前製

陳皮

蒼朮

青皮

厚朴

姜汁製

三稜

醋煮一時

莪朮

同上製

黃連

苦參

白朮

各五兩

生甘草

二兩

香附

一斤童便浸一宿

右為細末醋糊為丸

一方無黃連苦參白朮

一方又無甘草名溫中丸

調胃承氣湯

方見傷寒門

按王叔和曰腹滿舌痿煩燥不得睡屬黃家又曰

病黃疸發熱煩喘胸滿口燥者以發病時火劫

其汗兩熱相搏然黃家所得從溫故一身盡熱

熱面黃如肚熱者熱在裏也當下之安用調胃

承氣湯

又曰黃疸之病當以十八日為期治之十日以上

為差又劇者為難治 又曰病疸而渴者其病

難治疸而不渴者其病易治發于陰部其人必

嘔發于陽部其人振寒而發熱也師曰諸黃家

病但宜利小便假令脉浮當以汗解之宜桂枝

加芪湯又名黃芪建中湯 方見傷寒門

又曰男子黃小便利自當與小建中湯 又曰黃

疸

疸腹滿小便不利而利自汗出此為表和裏實
當下之用大黃黃栢梔子芒硝湯

大黃黃栢梔子芒硝湯

黃栢

芒硝

大黃

各四錢

梔子 三枚

每服水一盞半煎溫服

又曰黃疸病小便色不變欲自利腹滿而喘不可
除熱熱除必噦噦者宜服小半夏湯 方見傷

寒門

又曰夫病酒發黃疸必小便不利其候心中熱足
下熱是其証也又心中懊懣而熱不能食時欲
吐名曰酒疸又曰酒疸心中熱欲嘔者吐之即
愈又曰酒疸黃色心中實熱而煩

又曰額上黑微汗出手足心熱薄暮則發膀胱急
小便自利名曰女勞疸腹如水狀不治

又曰黃家日晡所當發熱而反惡寒此為女勞得
之膀胱急小腹滿一身盡黃額上黑足下熱因
作黑疸其腹脹如水狀大便必黑時澹此女勞

王氏增補醫學正傳 卷之六
之病非水也腹滿者難治硝石礬石散主之
硝石礬石散

右以二石各等分燒煨爲末每服二錢以大麥
粥湯和服日三服取汗愈若小腸滿急小便不
利用滑石石膏各二錢入粳米一撮同煎服之

治酒疸用小柴胡湯加茵陳豆豉大黃黃連葛根煎
湯服効

茯苓湯 治胃疸消穀善饑面色痿黃心中煩熱胸
脇脹滿小便赤澁 方見淋秘門

一方治穀疸以柴胡麥芽枳實厚朴梔子大黃等
分水煎服効

胃苓湯 治脾胃不和黃腫如小便赤澁加滑石五
苓散合平胃散是也

腎疸湯 治腎疸目黃或渾身黃小便赤澁

升麻 羌活 防風

藁本 獨活 柴胡 各五分

蒼朮 一錢 猪苓 四分 葛根 五分

澤瀉 三分 黃芩 二分 甘草 三分

神麴

炒三分

黃柏

二分

白朮

五分

人參

三分

每服水一盞半煎去粗溫服

茵陳五苓散

治傷寒或伏暑發黃小便不利煩渴

等証 本方倍加茵陳入姜棗煎服之

茵陳茯苓湯

治發黃脉沉細數四肢冷小便澀煩

燥而渴

茯苓

桂枝

猪苓

各一錢

滑石

一錢五分

茵陳

二錢

每服水一盞半煎服如脉未出加當歸一錢半

梔子大黃湯

治酒疸心中懊懣或熱而痛

梔子

十四枚

大黃

一兩

枳實

五枚

豆豉

一升

每服用水五升煎至二升分三服

半溫半熱湯

治酒疸身黃無熱靖言了了腹滿欲

嘔心煩足熱或有癥瘕心中懊懣其脉沉弦緊細

半夏

茯苓

白朮

各七分

前胡

枳殼

麩炒黃色

甘草

炙

大戟 各五分

黄芩

茵陳

當歸 三分

每服入生姜三片水二盞煎温服

茵陳蒿湯 治身熱鼻乾汗出陽氣上奔小便赤澁

不利濕熱發黃

茵陳蒿 一兩

大梔子 三枚

大黃 三錢五分

一服三盞水煎温服

茵陳大黃湯 治傷寒大熱發黃面目俱黃小便赤澁等証

澁等証

茵陳蒿

梔子

柴胡

黄栢

黄芩

升麻

大黃 各七分

草龍膽 三分五厘

每服水一盞半煎温服

梔子栢皮湯 治身熱不去大便利而煩熱身黃

梔子

黄栢

黄連 各三錢五分

每服水一盞半煎温服

茯苓滲濕湯 治黃疸寒熱嘔吐而渴欲飲冷水身

目俱黃小便不利不思飲食 方見濕症門

小茵陳湯 治發黃脉沉細而遲遍身冷

附子 一枚作八片泡 甘草 炙一兩 茵陳 三兩

切作三服每服用水二盞煎温服

茵陳四逆湯 治發黃脉沉細而遲肢體逆冷腰以

上自汗

甘草 炙一兩 乾姜 泡一兩五錢 附子 一枚作八片泡

茵陳 二錢

分作四服水煎服

葶藶苦參散 治濕熱內甚小便赤澀大便時秘

食少進諸藥不効因爲久黃

苦參 黃連 瓜蒂

黃栢 大黃 各一兩 葶藶子 二兩

右爲細末每服一錢七清米飲調下以吐利爲度隨時看虛實消息加減

當歸白朮湯 治酒疸發黃心下有痞癢堅滿身體

沉重妨害飲食小便赤黃此因內虛飲食生冷脾胃痰結所致

白朮 茯苓 各一錢 當歸

黃芩

茵陳

各三分
五厘

前胡

枳實

甘草

炙

杏仁

各六分

半夏

八分
泡

右作一服加姜三片水一盞半煎溫服

抵當湯 治傷寒熱驚瘀血內結身黃脈沉細狂言

譫語小便自利大便黑 方見傷寒門

針砂丸

治穀疸酒疸濕熱發黃等証

針砂

半斤醋炒紅

蒼朮

四兩米泔浸

香附

四兩童便浸

神麴

微炒黃

茵陳

姜汁炒

麥芽

麩炒各二兩

芍藥

當歸

酒洗去頭

生地黃

川芎

青皮

去穰炒各一兩五錢

陳皮

去白

莪朮

醋煮

三稜

醋煮各二兩

梔子

去殼炒

薑黃

升麻

乾漆

各五錢炒烟盡

右為細末醋糊為丸如梧桐子大每服六七十丸姜湯送下

綠礬丸

治黃腫病最捷

五倍子

半斤炒黑

綠礬

四兩姜汁炒白

針砂

四兩醋炒黃色

神麴

半斤炒微黃色

右為細末生姜汁煮紅棗肉為丸如梧桐子大每服六七十丸溫酒下不能飲酒米湯亦可終身忌食蕎麥麵犯之再發難治

棗礬丸

治食勞身目俱黃

綠礬

半斤火煨通紅

右研細紅棗肉為丸如梧桐子大每服五十丸或酒或姜湯下